

سنة لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

توقیفیات

آبونه اولق ایستینلر دائره عدلیه ده
اداره مخصوصه سنه مراجعت
ایملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه به متعلقدر

توقیفیات

عکا سنجانی بدایت محکمه سی جزا دائره سی
ریاستی حاکم سنجانی بدایت محکمه سی جزا دائره سی
رئیس قوتلو محمدنیر افندی به
حاکم سنجانی بدایت محکمه سی جزا دائره سی
ریاستی دیوانیه سنجانی بدایت محکمه سی جزا دائره سی
رئیس سابق قوتلو احمد زیور افندی به تفویض
بیورلش ومومی الیها ذاتاً مخلف بولمشددر.

در سعادت بدایت محکمه سی اعضا سندن سعادتلو
حامد بک افندی به ترفیعاً رتبه اولی صنف ثانیه
توجیه بیورلشددر.

تبلیغات

پولیتیه وسوء قصد و عرض ماده لرندن ماعدا
جرائم عادیه ایله محکوم اولان مجرمیندن در سعادت
حبسخانه عمومیسندن محبوس اولوب نشان مدت
جزایه لرینی اکیل ایدن و امر تخلیه لرنده ضابطه جه محذور
کوریه میان سکسان سکر کشینک ولادت باهر السعادت
حضرت رسالتناهی به مصادف لیلہ مبارکه حرمتیه
اخلائی سیدلری و طشره حبسخانه لرنده محکوماً محبوس
بولان بومثل و مجرمینک دخی عفو عالی جناب پادشاهیدن
استفاده ایتک اوزره کیفیتک هر طرفه تلغرافله تبشیری
ومدیوناً در سعادت توقیفخانه سنده موقوف اولنلرک
مقدار دینلری طرف اشرف حضرت تاجداریدن احسان
بیورلدیغندن بونلرک دخی تخلیه سی خصوصه اراده
مراحم معتاده حضرت تاجدار اعظمی شرف تعلق
بیورلش و بر منطوق امر و فرمان هایون اقتضاسنک
همان ایفاسی عدلیه نظارت جلیله سندن ضبطیه نظارت
جلیله سیله در سعادت استیناف مدعی عمومیلکنه
تذکره و طشره محاکم استینافیه سی مدعی عمومیلکرینه
تاغراف ایله تبلیغ و تبشیر ایدلش و در سعادت حبسخانه
و توقیفخانه لرنده محبوس اولوب مظهر عفو عالی اولان

مجرمین ایله مدیوناً موقوف بولسان اشخاصک دونکی
کون حضوری معتاد اولان ذوات مواجیه سنده
سیدلری تخلیه اولنورق عمومی طرفندن دعای تمادی
عمر و اجلال ولی نعمت بیت اعظمی تذکار و تکرار
قلندینی کبی صدقه عافیت جهاتقیمت حضرت
خلافتناهی اولق اوزره احسان بیوریلان عطیه
سینه نک در حال دینلره توزیعنه ابتدار ایدلسی حقیقه
دخی دائره عدلیه ده متشکل قومیسین مخصوصه
تبلیغات مقتضیه ایفا اولمشددر.

نیکده سنجانی بدایت محکمه سی استنطاق دائره.
سنده تراکم ایدن بیک بشیوزره قریب اوراقک بر
مستنطق ایله نتیجه قانونیه به ربطی قابل اوله میه جفندن
معاملاتک سرعت جریان ضمننده قرار نامه تنظیمنه
دخی مأذون اولق اوزره اعضا ملازمینک موقت
مستنطق تعیینی جائز اولوب اولمدینی حقیقه قونیه
استیناف محکمه سی مدعی عمومیلکندن وقوع بولان
اشعاره اصول محاکمات جزایه قانونک الی برنجی
ماده سنده محرر اولدینی وجهله مستنطق محاکم
ابتدائی اعضا سندن تعیین اولنیه جکی کبی لزومی
تقدیرنده اعضای محکمه دن بری دخی اصل مستنطق
ایله برابر ایفای مأموریت ایتک اوزره رئیس محکمه
طرفندن صورت موقته ده مستنطق تعیین اولنیه جکنه
نظراً اوراق متراکم نک تسریع معاملاتی ضمننده ماده
مذکوره نک بخش ایلدینی صلاحیتک استعمالیه اعضا
ملازمینک موقتاً مستنطق تعیین ایدیه رک مصالح
متداخله نک بر آن اول ایفای مقتضیاتنه مسارعت
قلنمی لازم کله جکی جوابی انجمن عدلیه افاده سیله
ویرلشددر.

محاکمات و مقررات

عبداللهی جرح ایتسندن طولای مظنون علیه
اولان حاجی حسینک درت ماه مدته حبسنه دائر
بیروت ولایتی استیناف محکمه سی جزا دائره سندن

ویریلان اعلامک تمیزی حقیقه مرقوم حاجی حسین
طرفندن اعطا و محکمه مذکوره مدعی عمومیلکندن
اسرا قلنان عرضحال ایله اوراق متفرعه سی تدقیق
اولندقد مرقومک حال موقوفیتده اولدیغنه و یاخود
مکفلاً سبیل اخلا قلندیغنه دائر اقتضا ایدن ورقه
رسمیه یی ویرمدیکی اکلاشلش اولغله عرضحال
مذکورک ردینه محکمه تمیز استدعا دائره سنجه قرار
ویرلشددر.

فاطمه بی ضرب و اشیاسنی اخذ ایتلرندن
طولای مظنون اولان شریفه وکالی و امهانک اوچر
ماه مدته حبس لرینه دائر بدایه ویریلان اعلام غیابی
علیهنده اعطا قلنان اعتراض علی الحکم عرضحالریک
ردینی متضمن آیدین ولایتی استیناف محکمه سی جزا دائره.
سندن غیاباً ویریلان اعلامک تمیزی حقیقه مزبورده لر
طرفندن اعطا و محکمه مذکوره مدعی عمومیلکندن
اسرا قلنان عرضحال اصول محاکمات جزایه قانونک
اوچوز یکریمی اوچنجی ماده سنده معین اولوب تفهیم
تاریخندن اعتباراً سکر کوندن عبارت بولان مدت
تمیزک مرورندن صکره ویرلدیکی اکلاشلش اولغله
عرضحال مذکورک ردینه محکمه تمیز استدعا دائره.
سنجه قرار ویرلشددر.

زیتون قضاسنک تکیه محله سی اهالی سندن سرکزک
زوجیه سی کوهرک جرحیله پارمغنی تعطیل و طوپال
محمد دخی قتل قصدیه تشهیر سلاحه جرأت ایتسندن
دولای جنایتله اتهام اولان چوبان پانوحی ولد قاپریک
درت سنه مدته کورک قولنسنه دائر مرعش سنجانی
بدایت محکمه سی جزا دائره سندن ویریلان طقسان
نومرولی اعلام محکمه تمیز جزا دائره سنجه تصدیق
اولمشددر.

شام قصبه سنک عماره محله سی اهالی سندن یحیا
ابو غاستورک کیفیت قتلندن دولای جنایتله اتهام اولان
محله مذکوره لی حسن بن محمد البندخینک اون بش
سنه مدته کورک قولنسنه دائر سوریه ولایتی استیناف

محکمه سی جزا دائره سندن اعطا قلنان یوز سکسان اوج نومرولی اعلام محکمه تمیز جزا دائره سنجه تصدیق اولمشدر.

عینتابی دکرمانجی مصطفی اوغلی محمد کیفیت قتلدن دولای جنباته اتهام اولنان قصه منورولی محمد بن قاسمک اون بش سنه مدته کورکه قولسنه دائر حلب ولایتی استیناف محکمه سی جزا دائره سندن ویریلان یوز التمش اوج نومرولی اعلام محکمه تمیز جزا دائره سنجه تصدیق اولمشدر.

موصل اهالیسندن داود بن سلیم العلافی قتل ایتمسندن دولای جنباته اتهام اولنان شریف بن حسینک اون بش سنه مدته کورکه قولسنه دائر موصل ولایتی مرکز بدایت محکمه سی جزا دائره سندن ویریلان یوز طقسان سکن نومرولی اعلام محکمه تمیز جزا دائره سنجه تصدیق اولمشدر.

صلووعلی خلیل بن عمرک کیفیت قتلدن دولای جنباته اتهام اولنان چرخه جی خلف بن احمدک اون بش سنه مدته کورکه قولسنه دائر بغداد ولایتی استیناف محکمه سی جزا دائره سندن ایکنجی دفعه اوله رق ویریلان الی درت نومرولی اعلام محکمه تمیز جزا دائره سنجه تصدیق ایلمشدر.

زریر بن طعجه بن قتل ایتمسندن دولای جنباته اتهام اولنان عباسک اون بش سنه مدته کورکه قولسنه دائر بغداد ولایتی استیناف محکمه سی جزا دائره سندن ویریلان اوتوز اوج نومرولی اعلام محکمه تمیز جزا دائره سنجه تصدیق اولمشدر.

حیدر نایا قره سی اهالیسندن موسی بن یوسف الفرجک قتله جسدینک احراقندن وحیون قره لی حسین بن احمد علی لهیب الیه رفقاسنک کیفیت جرحندن طولای جنباته اتهام ایلیلان قره مذکور ده لی دیبه احمد و محمد بن عبد الغنیک اون بشر سنه مدتلره کورکه قوللرینه دائر سوریه ولایتی استیناف محکمه سی جزا دائره سندن ویریلان قرق طقوز نومرولی اعلام محکمه تمیز جزا دائره سنجه تصدیق اولمشدر.

یکدیگرینک اشیلاری نهب و مزروعاتلری قلع ایلمکری ادعا اولمشندن دولای جنباته اتهام اولنان حس کوچری و صهی کبی و مسلم بن ابراهیم و موسی بن احمد و شیخو بن مصطفی و عثمان بن شریف و شریف بن علینک اوجر سنه مدتلره کورکه قوللرینه دائر

اورفه سنجانی بدایت محکمه سی جزا دائره سندن اعطا قلنان اوتوز طقوز نومرولی اعلام محکمه تمیز جزا دائره سنجه تصدیق ایلمشدر.

۷۰ نومرولی نسخه ده مندرج در سعادت جنایت محکمه سی اعلامنک بقیه سی :

بروجه مشروح طرفینک ادعا و مدافعاتی و اوراق تحقیقه و راپورلر مندرجاتی در میان و مطالعه اوله رق ایجاب کیفیت لدی المذاکره متهم بنایوط فعل جرحی حضور محکمه ده تأویلاً انکار و مدافعه و کیلی بروجه محرر مدافعه به ایستادار انکمه اوله قلندن تدقیقاته کبریشلرکده متوفی میخالک صول قاصیغندن ییاقله جرح ایلمدی راپور الیه تبیین و ادعا و شاهدلرندن انستو بنت دیمترینک وقعه کیجه سی ساعت اوج راده لرنده اکسانطولیو اوغلی بنایوط سرخوش اولدینی حالده عرب اوغلی میخالک قپوسی اوکته کلهرک و کراته زهونک و کارخانه جی دهرک کیندکدن برچارک ساعت صکره تکرار عودت والنده بریچاق اولدینی حالده (آدم بیه جکم) دیو تکرار اطاله لسانه مباشرت ایتمکندن عرب اوغلی میخالک او بقودن او یانوب طیشاری به جیقیدینی اناده زقاقده برکورتی ایتمش ایسه ده کندوسی نچیره دن تباعد ایتمش اولدینغندن وقعه به مشاهده ایده مدیکتی و معقبا عرب اوغلی میخالک مجروحاً خانه سنه کتورلمکده اولدینی کوردیکتی مع القسم افاده ایتمسندن و شاهدلرندن التقو و قاتقونک اخبارات مبسوطه سی و ضابطه عدلیه تقریری الیه میخالک دخی افاده مضبوطه سی مزوره انستونک شهادتی مؤید کورلمسندن و اخبارانک علی الدرجات وقوع و کورلمسندن و متوفانک دیکری جانندن جرح ایلمدیکنه دائر اشتباه حاصل اوله جق جهت اولماسندن و عقیب وقعه ده متهمک فرار ایتمسندن ناشی متوفانک متهم طرفندن جرح ایلمش اولدینی تعین ایدوب آتجق جرح مذکور دن متأراً وفاتی دو قوردرجه کسدر یله ماش اولدینغندن متهمک لهنه اوله رق جرح مذکورک تأثیر یله وفات ایتمش اولدینی قضیه سی تسلیم اولمش ایسه ده شاهدلرندن التقو و قاتقونک جمله اخباراتندن بولندینی وجهه متهمک ییاقله لیلاً خانه سی قپوسه کیمش و دفعاته سب و شتم ایتمش اولمشندن اوفقی تحت بارچه سی متوفانک استعماله متهم بادی و شو حالده مذکور اوفقی تحت بارچه سنک آلات متقابله دن اولمدینی شوبله طورسون ییاقه قارشو تحت بارچه سی انشی بالعکس متوفانک مقابله به تثبیتی مؤدی اولمش و جرمه کنک ییاقله تهلکلی صورته ایقاع ایلمسنه کوره قتل قصدندن تحدت ایتمش اولسنه منی اسباب مسروده به قارشو مدعی عمومی

بیک اوچوز اون بدی سنه سی شباطنک یکرمی در دنجی بازار کونی ساعت ایکی راده لرنده فریده ده ارنیود زقاغنده اندریا نام دیگر اوزده نی بالتصور

جرح و قتل ایتمدی ادعایه متهم اولان سلیمانک اجرا قلنان محاکمه علیه سی نتیجه سنه ده مرقومک مزبور نی صالدرمه الیه جرح و قتل ایتمدی شاهدلرک علی الدرجات وقوع بولان شهاداتی و معاینه راپوری مندرجاتی و دلایل سائر الیه ثابت اولوب اتجق قتل مذکورک بالتصور وقوعه کتورلدیکی اکلاشیله مدینغندن مرقومک قاتل متهور اولق اوزره مجرمینه و قانون جزانک یوز بش در دنجی ماده سنک فقره اولامی حکمنه توفیقاً اون بش سنه مدته کورکه قولسنه محکمه جنایتجه قرار ویرلمشدر.

چهارشنبه ده یورغانچیلق ایدن محی الدین بن مصطفانک مدیه مرک مأموری عزیز و تنکجه حسام الدین افندیلری جرح ایلمدی ثابت اولدینغندن اون بش کون حبسنه

یکدیگرینی ضرب ایلمکری اصولاً ثابت اولان لوغجه لی محمد علی بن حسینک بر ییچق آی و ایوبده قهوه جی علینک دخی بر هفته مدتلره حبسلرینه یکی قپوده بوستان ایجنده قهوه جی میخالی ضرب ایلمدی تحقیق ایدن داو پاشا اسکله سنه ده جلوا جی طبله کاری احمد بن حسیندن بر آلتون آتوب مضروبه اعطاسنه سعادتلو احمد جودت بک افندی بک مدیر مؤلی بولندینی اقدام غزنسک ۱۰ ابولسنه ۳۱۶ تاریخلی ۲۲۴۰ نومرولی نسخه سنه ده اسکدارده حیدر پاشاده آر یلق چشمه سی نام محله قهوه جی کنگمان افندی بی ذم و مومی الیه ناموسی محل گات درج ایلمدی مذکور غزنه مندرجاتیله ثابت اولدینغندن مطبوعات نظامنامه سی احکامنه توفیقاً مومی الیه احمد جودت بک افندی بک بش آلتون جزای نقدی اخذینه و اشبو حکمکده غزنه لرله اعلان ایتمدرلسنه

ساقز اغاجنده ساکنه تسالیه بنت قوجویه الیه صارق دبلق ایتمدی اصولاً ثابت اولان قاسم پاشاده ساکن قایقجی کاملک ایکی آی حبسنه غلطه ده قلفات محله سنه ساکن محمدی ضرب ایدن قاتلجی خلیلدن بر ایرا آتوب مضروبه اعطاسنه مجارده ارنیود زقاغنده ساکنه فوئقه نکتارک آینه سنه قیزدینی ثابت اولدینغندن اون بش بشلک جزای نقدی اخذیه آینه بدلی اولان بش مجیدیه نک ضاباً بالتحصیل مزبور نکتاره ویرلسنه

علی افندی بی ضرب ایدن کوش صوب خسته خانه سی تیمارچیلرندن غالب افندی بک اون کون حبسنه ملازم احمد افندی به اطاله لسانه بولنان اوزره کوبده یکی محله ده ساکن نوری افندی بک بر هفته حبسنه شمس المکانک مکتبی معلملرندن توفیق و مبصر نوری افندی بک تبلیغات واقعه خلاشه اوله رق مکتب

مزبور طبله سندن برهان الدین افندی بی ضرب و جرح ایلمکری ثابت اولدینغندن بولندن توفیق افندی بک بش و نوری افندی بک دخی درت آی مدتلره حبسلرینه و تقدیر ایلیلان ایکی بیک بدی یوز غروش مصارف جراحیه نک دخی بالتحصیل مشکی به اعطاسنه غلطه ده ساکنه امینه خانمک دقتسر لکه حریق ظهوریه سببت و پردیکی ثابت اولدینغندن مزبور نک درت کون حبسنه و بر ایراده جزای نقدی آلتسنه ارنیود یشارک وفاته سببت و پردیکی اکلاشیلان بک اوغلنده شیشلی زقاغنده ساکن وائی نشان ولد آرینک آتی آی حبسنه

شکری افندی الیه زوجیه سی ناجیه خانمک حق دخولری اولیان صالح افندی بک خانه سنه ده بالدخول مومی الیه اطاله لسان الیه برابر ضرب ایلمکری ثابت اولدینغندن مومی الیه شکری افندی الیه زوجیه سی ناجیه خانمک ایکشیر آلتون آتورق صالح افندی به اعطاسنه یکدیگرینی ضرب ایدن غلطه ده ساکن صندالچی الیاس الیه احمدک اون بشر کون حبسلرینه

قاسم پاشاده ساکن حال علی بن حسین بی ضرب ایدن حال اصنافی قول باشینی محمد بن علینک بر هفته حبسنه خلاف تنبیه سلاح انداخت ایتمکری ثابت اولان قوری چشمه ده ساکن نیقولی ولد بانی الیه باغچوان اندریقودن بشر بشلک جزای نقدی آلتسنه طوپخانه لی فاطمه خانمی ضرب ایدن اتمکجی باشی محله سی ساکنه لرندن عایشه دن ایکی ایرا الهرق مضروبیه ویرلسنه

یکشهرده مقیم کر باقو ولد ایتیمک قره بی ضرب ایلمدی اکلاشیلایغندن بر آلتون آتورق مضروبیه اعطاسنه

یکدیگرینک اموال منقوله لرینه ایراث خسار ایلمد کوری اقرارلریله تحقیق ایدن طوپخانه ده قره باش محله سنه ساکن بویاجی محمد علی الیه تیمور بن عزیزدن اوئر بشلک جزای نقدی آلتسنه

یورکینک ماسه طاشنی شکست ایدن حسن بن حسیندن اون بشلک جزای نقدی آلتسنه

اقسرایده ساکن تحسین بن ادهمک شفیق ضرب ایلمدی ثابت اولدینغندن بر آلتون آتورق مضروبیه اعطاسنه عربکری یوسفک شریجی حسین بی ضرب ایلمدی اکلاشیلایغندن بر هفته حبسنه

کراسه جیلرده یکی خانده اوطله باشی آلدون ولد واسیله اطاله لسان ایدن کراسه جی نیقولی ولد یورکدن بر ایرا جزای نقدی آلتسنه

دولاب دره سنه ساکن قوندره جی یورکی ولاترینه جی دیگر یورکی الیه بالقجی میک و طولومبه جی خرستو و لونک مضارب ایلمکری اکلاشیلایغندن اون بشر کون حبسلرینه

بولیس چاوشی علی افندی به اجرای مأموریت حالنده تحقیق آمین سوزسولیان طولومبه جی آرشاقدن ایکی ایرا جزای نقدی آلتسنه

یکی کوی ساکنلرندن صاری یورکی بی ضرب و جرح ایلمدی تحقیق ایدن قره مذکور ده لی اسماعیلدن بر ییچق ایرا آتورق مرقوم یورکی به اعطاسنه

غلطه ده قفسجی زقاغنده مقیم علونک خلاف تنبیه سلاح انداخت ایلمدی ثابت اولدینغندن یکرمی درت ساعت حبسیله ایکی بشلک جزای نقدی آلتسنه مجارده دیوارجی زقاغنده ساکن قوچونک استاطه بی ضرب و جرح ایلمدی اکلاشیلایغندن مرقوم قوچودن بر آلتون آتوب مضروبیه اعطاسنه

غلطه مرکز زنده مستخدم بولیس رستم افندی بی اجرای مأموریت حالنده ضرب ایلمدی ثابت اولان ایرانی حاجی اغا بن محمدک آتی ماه حبسنه

قپوجی لیغور ولد بانی بی ضرب و جرح ایلمدی اکلاشیلان اوستریا دولتی تبعه سندن انضویندن ایکی ایرا آتوب مضروب مرقومه اعطاسنه

غلطه ده لیزه نک خانه سنه ده ساکنه الینک کورکی سرقت ایدن اورنه کوی حریق طولومبه جیلرندن شکری بن ابراهیمک اوج آی حبسیله ضابطه جه کفالت آلتنه آلتنه و مسروق کورکک صاحبیه اعاده و تسلیمه

ترسانه عامره قزغانچیلرندن محمد اوسته بی ضرب ایدن قاسم پاشا بولیس قومیسرلرندن محمد افندی بک بر ایرا آتوب مضروب محمود اوسته به اعطاسنه

مضاربه ایتمکری اصولاً ثابت اولان فری کوی آراه جیلرندن خبری بن طورسون الیه حسینک بر هفته حبسلرینه

لغنه ده سیتی زقاغنده ساکن دولکر یانینک اوغلی پتانی جرح ایدن عربلر زقاغنده مقیم خرستونک صفر سنی حبسیله قرقجی ماده قانونیه به توفیقاً ویرلسنه تسلیمه

چهارشنبه ده ساکن اتمکجی اوسته سی دره لی نیقولینک اوطله سنه لیلاً بالدخول صندوقی شکست ایدرک الحجه و اشپاسنی سرقت ایدن یونان دولتی تبعه سندن غازینو جی خره لامبوس ولد قره میچونک سوابق مکرده اصحابندن اولدینغندن ناشی برسنه مدته حبسنه

فانحه آراه جی جاده سنه ساکن مرکب سو - ریجیسی بارطینی حسن بن حسنک قبان دقیق علی اغانک سوریمیسی نیقولی بی ضرب ایلمدی ثابت اولدینغندن بر هفته حبسنه

دیلولماسز اجرای طبابت ایلمدی ثابت اولان ایرانی حسن بکدن ایکی ایرا جزای نقدی آلتسنه

خاصکویده ساکن پروکار میخال ورفیق قوچو ایله رژی عمله سندن طناشک محله آره سنده سلاح انداخت ایلدکلی تحققات ایتدیکندن مرقومونک یکریمی درت ساعت حبس لریله بشر بشک ده جزای تقدی آلمسسه در سعادت ، بک اوغلی واسکدار بدایت محاکمی جزا دائره لر نیجه حکم اولمشدر.

مُحَامَلَاتُ اِنْتِبَاهِيَّة

ماردین سنجانی بدایت محکمه سی مدعی عمومی معاون اسبقی رؤف افندینک امور مأموره سنججه کوریلان خلاف قانون معاملاتدن طولانی محاکمه آلتنه آلمسسه مأذونیت ویرلشددر.

مرسین سنجانی بدایت محکمه سی مدعی عمومی معاون سابقی حمدی افندینک مغایر قانون معاملات جرات ایلدیکی حلب واطنه ولایت لری عدلیه مفتشکنجه اجرا ایتدیریلان تحقیقات نتیجه سنده آکلاشلماغله مومی الیهک محاکمه آلتنه آلمسسه مأذونیت اعطا واطنه ولایتی استیناف محکمه سی مدعی عمومیلکنه تبلیغات مقتضیه ایفا قلمشددر.

اِئَالَات

در سعادت جنایت محکمه سنده:

اوچوز اون یدی سنی ایلولی اوائلنده خیانه لی کرد حسن و محمدک لیلأ و مساحاً اوکنه چیه رق اچه سنی صورت جبریده اخذ و غصب ایلدکلی ادعاسیله متهم بولنان خلیل و کرد حسین و دیمترینک رفیق اولوب اقامتکاهی اوراق تحقیقیه ده مضبوط بولنمیان و اذمیدک تکیه کوینده چوبان ایکن فرار ایدن اورته بویلی ، طیقنازجه وجودلی ، بیاض صاریمتراق یوزلی ، آز چچک بوزوغی ، قرق بش یاشنده قره یقه لی قدیر دردست اولنه مامش اولدیغندن تاریخندن اعتباراً جانب ریاستدن کندوسنه مجدداً اون کون مهل اعطا قلمشددر. مهل معین ظرفده کلدیکی حالد قانونه اطاعت ایتماش نظریله باقیله رق حقوق مدینه دن اسقاط قلنه جنی و محاکمه غیایه سی انشاده اموالی حجز آلتنه آلمه جنی و بوضره ده برکونه ادعایه حق اوله میه جنی کبی بولندیغی محلی بیلنلرک خبر ویرمهک و بالمله ضابطه عدلیه مأمورلرینک کندوسنی طومتقه مجبور بولندقلری و معامله حجزیه حقنده دخی مدعی عمومیلکه تبلیغات مقتضیه اجرا ایلدیکی جهته اصول محاکمات

جزائییه قانوننک اوچوز یتش برنجی و اوچوز یتش ایکنجی ماده لری احکامنه توفیقاً اشبو قرارنامه بالتنظیم اعلان اولنور.

نجات بحریه محکمه سنده :

استانبولده محمود پاشاده ۲۸ نومرولی مغازه ده مقیم تجاردن قسطنطین راحچو پولوسک ۲۰ مایس سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمننده اعضای محکمه دن عزتلو مارقار افندینک ژور قومیسر و دعوی وکیللر ندن قدری بکله روپن پاپاسیان افندینک موقت سندیک تعیینلریه و مغازه سیله اشای زائده بیتیه سنک تمهیرینه و اوراق و دفاترینک جانب و کفالت ارابه ایده مدیکی تقدیرده حبس و توقیفه و بوبابده کی قرارک موقه اجرا سنه محکمه تجارت بحریه جه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو بیک اوچوز اون سکر سنی حزیراننک اون بشنجی جمعه ایرتسی کونی ساعت یدی راده لرنده اصحاب مطلوبک محکمه مذکورده نک افلاس اوطه سنه کلری اعلان اولنور.

ایکنجی محکمه تجارت سنده :

بانچه قیوسنده ۱۵ و ۳۵ نومرولی مغازه لرده ساکن تحفجی یوان یوانیدیسک ۱ حزیران سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمننده اعضا ملازمی عزتلو یانقو افندینک ژور قومیسر و دعوی وکیللرندن الیاس سیموناکی افندینک موقت سندیک تعیینلریه و مغازه لریله اشای زائده بیتیه سنک تمهیرینه و اوراق و دفاترینک جنبه و بوبابده کی قرارک موقه اجرا سنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو بیک اوچوز اون سکر سنی حزیراننک اون بشنجی جمعه ایرتسی کونی ساعت الی راده لرنده اصحاب مطلوبک محکمه مذکورده نک افلاس اوطه سنه کلری اعلان اولنور.

استانبولده بانچه قیوسنده صادق خانی اتصالنده جانفسجی فوتیس و موتولا شرکتک ۳ حزیران سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمننده اعضای محکمه دن سعادتلو جمیل بکک ژور قومیسر و دعوی وکیللرندن ادرنه لی شکیب افندی ایله عاکف بکک موقت سندیک تعیینلریه و مغازه سیله اشای زائده بیتیه سنک تمهیرینه

و اوراق و دفاترینک جنبه و کندیلرینک کفالتیه ربطه و بوبابده کی قرارک موقه اجرا سنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو حزیرانک اون سکرنجی صالی کونی ساعت الی راده لرنده اصحاب مطلوبک محکمه مذکورده نک افلاس اوطه سنه کلری اعلان اولنور.

اعلامات نظامیه اجرا دائره سنده :

ابراهیم افندینک شریفه خانم ذمتنده با اعلام نظامی الهجنی اولان مبالغ معلومه نک تأمین استیفاسیچون مرهون و فروختی محکوم بولنان بر عدد التون قوردون ایله بر عدد التون ساعتک شهر حال رومینک سکرنجی جمعه ایرتسی کونی چارشوی کیرده قیوچیلر چارشوسنده بالمزایده فروخت ایدیه جکی در سعادت اعلامات نظامیه اجرا دائره سندن اعلان اولنور .

شهور خانمک با اعلام نظامی رشدی بک ذمتنده آلاجنی اولان مبالغک تأمین استیفاسیچون وکالت دوریه ایله مرهون و فروختی محکوم اولان داود پاشا محله سنده چارداقلی حمام زقاغنده واقع تخمیناً بیک سکر یوز اون ایکی مترو وسعتنده و دروننده بر بانچوان اوطه سیله درت قیوی و ساقز دولابی حاوی و سنوی طقوز یوز غروش ایجار کتوریر بر قطعه بانچه نک تاریخ اعلاندن اعتباراً اون بش کون صکره بالمزایده فروخته تشبث اولنه جنی در سعادت اعلامات نظامیه اجرا دائره سندن اعلان اولنور.

اطه یازاری قضای بدایت محکمه سی اجرا دائره سنده : اطه یازاری تجارتدن قلیج اوغلی اتانیه افندینک صابانجه لی انمکچی خرستو ذمتنده اکتساب قطعیت ایتمش اولان اعلامات نظامیه موجبجه محکوم به الاجنی اولان مبالغ معلومه نک تأمین استیصالی ضمننده قبل المحاکمه حجز اولنان مرقوم خرستونک صابانجه نک یوقارو چارشوسنده متصرف اولدیغنی صرف ملک تحتانی و فوقانی بر باب انمکچی فرونیله اتصالنده کی عرصه نک تاریخ اعلاندن اون بش کون صکره بالمزایده فروخت اولنه جغندن طالبلرینک یوزده اون نسبتنده کی دیویزیتورلیله معاً اطه یازاری بدایت محکمه سی اجرا دائره سنه مراجعت ایللری اعلان اولنور.